

Iustum, & solutum iteratò volatilem, & volatilem iteratò fixum, quousque fluat, & alteret in complemento solifico & lunifico certo: quoniam ex iteratione præparationis huius tertij gradus in medicina, resultat alterationis, & bonitatis multiplicatio. Ut vnumquodque imperfectorum corporum conuertat in infinitum solificum & lunificum verum. Sie etiam habet virtutem efficacem, ad sanandum omnem infirmitatem super omnes alias medicorū medicinas. Nam animum lætitiat, virtutem augmentat, sanitatem conseruat, iuuentutem renouat, senectutem retardat, &c. ut Arnoldus dicit: Et aurum sic factum per magisterium fit potabile per accumulationem quintæ essentiæ nostræ super ipsum, donec pariter inspissentur: cum quibus etiam elementa aliarum rerum medicinalium poterunt in spissitudinem olei circulari. Et tunc habeatur aurū potabile verissimum balsamum Philosophorum efficacissimum, quod est preciosissimum Dei donum. Cuius nomē glorificetur hic & in ænum, Amen.

## TRACTATVS OPVS

MULIERVM ET LY

dus puerorum dictus, inci-

pit faustè.



PER I s processio dicitur omne opus mulierum, & ludus puerorum. Post ingressum operis cōtinuat subtilis indagator naturæ diu progressum. Verba ergo ista nō fabulosa sunt, nec cōtemptu digna: imò verba ista sic attendas, quòd te non decipient antiquorum librorum textus, qui verba nonnunquam transponunt, vt inquit Apuleius Philosophus, in lib. de Secretis.

Debet autem triplex ludus puerorum præcedere opus mulierum. Pueri enim ludunt in tribus rebus. Primo cum mutis frequenter vetustissimis. Secundò cum vrina. Tertio cum carbonibus. Primus ludus materiam lapidis ministrat. Secundus ludus animam au-